

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Zenica, 09.06.2021. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i člana 234. i 247. Zakona o privrednim društvima ("Službene novine Federacije BiH", broj: 81/15), a u vezi sa odredbom člana 33. Statuta Javnog preduzeća „Grijanje“ d.o.o Zenica broj: 02-01-5293/08 od 06.06.2008. godine-OPU: 2330/08, Odluke o izmjeni Statuta broj: 02-05-18501/09 od 24.11.2009. godine-OPU-IP: 460/09, Odluke o izmjeni i dopuni Statuta broj: 02-49-21441/11 od 12.11.2011. godine-OPU-IP: 465/11, Odluke o izmjeni Statuta broj: 02-01-5293/08 od 06.03.2008. godine-OPU-IP: 598/18, a koja Odluka je ispravljena Odlukom o izmjeni Statuta broj: 02-01-5293/08 od 06.03.2008. godine-OPU-IP: 598/18, Odluke o izmjeni Statuta broj: 02-45-11030/20 od 17.06.2020. godine-OPU-IP:162/20, Odluke o izmjeni Statuta broj: 02-45-23984/20 od 02.12.2020. godine-OPU-IP: 397/20 i Odluke o izmjeni Statuta broj: 02-45-6341/21 od 15.04.2021. godine-OPU-IP:141/21, u postupku izbora i imenovanja članova Nadzornog odbora Javnog preduzeća „Grijanje“ d.o.o. Zenica, Gradonačelnik Grada Zenice, objavljuje

O G L A S

**za izbor i imenovanje dva člana Nadzornog odbora Javnog preduzeća
„Grijanje“ d.o.o. Zenica**

Objavljuje se Oglas za izbor i imenovanje dva člana Nadzornog odbora Javnog preduzeća „Grijanje“ d.o.o. Zenica.

Mandat članova Nadzornog odbora koji se bira ovim Oglasom traje do 07.02.2025. godine, odnosno do isteka mandata člana Nadzornog odbora Javnog preduzeća „Grijanje“ d.o.o. Zenica, čiji je mandat u toku.

I OPIS POZICIJE

Nadzorni odbor Javnog preduzeća „Grijanje“ d.o.o. Zenica ima sljedeće nadležnosti: nadzire rad Uprave Preduzeća; priprema i predlaže Etički kodeks, poslovničke i druge akte koje usvaja Skupština; imenuje i razrješava članove Uprave; vrši izbor kandidata za Odbor za reviziju i podnosi Skupštini prijedlog za imenovanje; utvrđuje prijedlog cijena i način plaćanja isporučene toplotne energije, a u skladu sa zakonskim i podzakonskim aktima iz oblasti komunalne privrede, utvrđuje cijenu pratećih usluga koje Preduzeće obavlja; donosi akt kojim se reguliše postupak nabavki; daje mišljenje Skupštini o prijedlogu Uprave za raspodjelu dobiti; daje upute Upravi za provođenje mjera i aktivnosti za otklanjanje uočenih nepravilnosti; obavlja sistematski nadzor nad poslovanjem i zakonitošću poslovanja javnog Preduzeća; redovno izvještava skupštinu Preduzeća o svom radu; prisustvuje sjednicama Skupštine javnog Preduzeća i učestvuje u raspravi bez prava glasa; pregleda poslovne knjige i dokumentacije Preduzeća; donosi Poslovnik o svom radu; odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine preduzeća po bilansu stanja na kraju prethodne godine; donosi Pravilnik o radu, njegove izmjene, dopune, odnosno druge opšte akte kojima se reguliše unutrašnja organizacija i sistematizacija radnih mjesta, plaća i naknada radnika, na prijedlog Uprave uz obaveznu prethodnu saglasnost Skupštine; predlaže Skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne

godine u obimu većem od 33% knjigovodstvene vrijednosti ukupne imovine preduzeća po bilansu stanja na kraju prethodne godine; obavlja i druge poslove predviđene zakonom.

Kandidati za imenovanje na poziciju člana Nadzornog odbora moraju ispunjavati:

- opće i
- posebne uslove.

II Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u društvu u čiji se nadzorni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član niti jednog upravnog ili nadzornog odbora, odnosno odbora za reviziju nekog privrednog društva ili institucije,
9. da nije osuđivan za krivično djelo i za prekršaj nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti nadzornog odbora,
11. da nije stariji od 70 godina na dan imenovanja.

III Posebni uslovi za imenovanje:

- VSS-VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri (3) godine radnog iskustva u struci nakon sticanja visoke stručne spreme, odnosno visokog obrazovanja,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- rezultati rada ostvareni tokom poslovne karijere,
- da posjeduje znanje iz oblasti rada i organizacije komunalnih preduzeća,
- preporuke ranijih neposrednih rukovodilaca.

IV Potrebni dokumenti:

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom visokom obrazovanju,
2. dokaz o traženom radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu).

Uvjerenja kojim se dokazuje ispunjenost općih uslova za imenovanje iz tačke 9. i 10., odgovorni javni službenik će zatražiti od kandidata koji budu predloženi za konačno imenovanje.

Dokumenti koji se prilažu uz prijavu moraju biti originali ili ovjerene kopije.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu sa potrebnom dokumentacijom dostaviti lično na protokol Grada Zenica ili preporučeno poštom na sljedeću adresu:

**"Prijava na Oglas za izbor i imenovanje dva člana
Nadzornog odbora Javnog preduzeća Grijanje d.o.o. Zenica
- NE OTVARATI"
GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine broj 6.
72 000 Z e n i c a**